



柳待制文集卷之三

古詩

七言

教諭泰和歐陽溥編輯
訓導江浦郁珎 校正

送馬伯庸御史出使河隴

河隴隴坻天西壁御史嚴行八十驛風驚大鹵幕初
乾雪重穹廬寒未釋入關先見父老喜出節始通祗
隸逆鯨鯢既戮海為清蜂蠆雖微尾含螫急宣
聖德慰荒遐盡洗民瘼轉疲劇當令

至尊御疆宇坐朝法宮受圖籍暉暉陽曜燭天垠殷
殷春雷行地脉周公方宏治外規汲黯豈負居中責
固謂真儒識邊瑣徑煩拂士迂朝蹟可能高戴觸邪
冠不使橫飛征蜀檄君行萬里從此始人生百年俱

有役副歲待子馬遷書重贈慙余繞朝策歸與空腹
貯崑崙促此南風談禹畫

六月十五日大雨雹行 是日月食

日月相關鶉火中晡時欲息雲埋空雨脚初來雜鳴
雹雷驅電挾聲颯颯排簷倒檻揮霍入犀兵快馬難
為雄中休頗意絕崩迸轉橫更覺加鉞鋒亂拋荆玉
抵飛鵲恣擲桃核隨飄風坐移向壁防碎首急卷中
席何匆匆上天彌令豈輕出摧殘長養皆元功陰凝
陽爍鬼神著氣有至反誠則同想茲試手鼓萬物特
欲振揭昭君羣蒙齋心變貌謹天戒嗚呼生意無終窮
送王元叙赴潁州同知元叙以世澤入官始
仕登州而其先人嘗為廉訪使者浙東有聲

至元間故與余識今別二十八年矣

溯河東開繡衣府正士持刑吁可數王公風裁獨近
古面目冰寒嚴刺舉我初冠首羣游序隅坐時聯諸
老語當堦蘭玉秀嫵嫵間亦從人註懷祖二十八年
如過雨相見郡門鬢生縷緹車再駕腰縣組猶困銓
曹覈班簿學維有宗政有譜限以門資豈其叙密法
深文已如許貌取于何知子羽是州雖小鄰陳汝適
彼其郊云樂土騰騰耒耜偏宜稔村村雞犬無行虎
西湖山色誰爭所攬結何妨入樽俎登穎東西從外
補要與老坡同一武攻詩琢詞毋太苦忠信宜民民
自與使華持節紛旁午大忌孤高矜譽處道迎督郵
首頓俯餘具先須脩簋簋固有深藏稱善賈不則峨

眉成妬女青雲易致無幽阻收拾聲華繼諸父天寒
遠別衣當褚祝規有言君聽取我輩交情非詡詡補
令初官與武階元叙再轉乞
撰文資有司以為不可乃已

送陳景仁都事使往雲南調選

往時文子初使滇吾詩亶亶當離絃上言黜陟有操
柄在尔筆削行微權今君過別又繼往淒淒涼葛仍
三年 廟謨制勝思服遠視彼輿土猶郊廛大邦小
邑寶維繫立監置尉皆官聯生民百萬等休戚啓擬
未必非材賢尚煩著令輟朝士執簡往試天官銓况
君沉敏有注措雅頌自足資言宣度長繫大固應尔
拔十得五猶超然龔黃卓魯不並世器使往往規其
全當從謠俗詳考覈勿以吏議深拘牽和柔豈曰由

地產獷戾尚可曰人還方今

天子重法

祖憂軫最在西南邊布昭 德意歌樂職 王路恢

廓行平平朔風吹空淒以緊君馬既駕何須鞭瀘南

瀘北經百驛到日想及歸鴻前玉節高持飛蜀雪錦

囊滿貯傾壺烟嗟余漸老守章句好遊亦有青行纏

今朝執醖忽內熱長吟短諷還成篇胸中九域若未

廣借君尺紙圖山川

寒食日出訪客始見杏花歸而有賦

京華塵土春如夢寒食清明花事動偶賒佔畢數日
閑侶釋頰肩百金重今晨訪客出城東馬上風來亂
吹塢穠桃靚李香然空山杏一梢紅聳聳浮暉隔樹

豈饒春麗色迎人太矜寵后皇賦命幾何偏早秀遲
榮徒倥偬喬姿不並歲寒者殘香抵作籬根擁物情
如此乃自嗤一官坐得三年冗烏騰兔走苦相催老
矣鬢絲今種種紫鳳憐梁短揭穿白鷗負我歸心勇
故園梨雪想繽紛月下樽誰獨捧涓滴長令醉顛
蓬何用百家營守冢寄聲為謝歌泥中補兀吾猶完
趾踵

敬題

皇姑魯國長公主所藏唐周昉畫金德皇君真形圖
星辰上羅天文章帝宮太紫巖中央長庚啓明左右
當西柄下揭斗口張浮空翕施流光雲霧降精神
杳茫乘之無際運無旁中有顯氣隨飛揚頽然玉色

含微陽翠綃蒙袂儻瓊璫手彈琵琶韻清商商聲按
節秋思長銀河經天浩湯湯跋而望之河無梁往來
儻忽難爲詳但見初月如懸璜洛書五行著機祥始
終德運推柔剛云此太白垂其方義虧言失多遙傷
神無異體智有常我夢見之覺惘惘披圖駭目得未
嘗粉墨形似爭毫芒作者周昉傳自唐能品上上題
明昌 主家甲觀開畫堂瑤華承宇藉以芳升散潔
漿祭于祊靈衣被被舞執翌神保至止辰維良駕言
爲織天孫裳吾聞五曜持軋綱龍騰虎拏互低昂星
官執御調玄黃照燭九土窮八荒東西咸地有扶桑
下貫天畢晶煌煌煌煌之晶降爲穰物不疵薦民不
殃 千秋

萬歲國乃康

贈寫真張翁翁居京城南年八十一神清眼
碧蓋進於其技而無求於世以自足寫者也
傳巖審象形何形麒麟設色非丹青肖圖如以燭取
影豈謂炬火無晶熒腰間挿箭氣自倍類上加毛神
則寧古人藝聖不兩至心動手應夫誰令不誇筆墨
工點黠欲與河嶽開英靈京華冠蓋萃山藪風髮萬
騎雲千輅前行衛霍後褒鄂佩服憲憲登明廷俗俗
寫侶不寫韻却詫果羸非螟蛉或攀有若擬玄聖僅
類蠟帛模蘭亭我雖臆見頗自可豈固賤耳疑羣聽
張翁八十貞靜者城南巷居晝掩扁客未拂絹出心
鑑能事送發無留停一毛一髮生意足造次參倚

儀刑由其天機勝嗜慾愈覺眼焰如流星承明待詔
綬若若晨朝索米儕優伶徒誇世有青氈植豈恨我
屋無芳馨吾聞畫者多善幼倏忽變化開玄冥安知
神完意自定伸筆已佀行春霆草間陋質不須寫二
十八宿羅天經得閑携酒就翁飲傾倒沙頭雙玉瓶
劉常州宅對菊醉歌

菊花高株高一丈葩萼乘孟葉承掌撓先節物作重
九亂點秋光入屏幌黃黃白白鬪新品大朶如擎小
如仰或矜紅紫當獨秀詎識幽嫺無競葵天工侶爾
費雕刻人力可堪專灌養京華樂事全盛日隙地買
栽隨意賞誇多直擬衛霍室豈領家微百金享常州
使君開畫堂簷網連楣出虛敞集芳作譜為娛賓賴

有遊前玉舟兩不知誰舸載傾城但道我屋無葺鏹
過從數客問前茅出節何時試英蕩可能輕別負芳
期遂使寒香淪宿莽孤根有託俟歲晚急景如流嗟
運往我歌君飲君當酬明日霜河催去槩

出北城獨上秋屏閣望西山炮靄中漠無所
見

北江負城沙似磧帖岸微行誰所闢折旋殆顛蟻泐
封淠漉猶如鴻印逆風髮披披鞍兀兀去馬浮曦正
相逢入門平步得高層身与危闌爭幾尺緇袍年少
不嗔來拂掠胡床趣敷席鉤簾意擬見西山雲亦何
心故蒙幕我疑玉女畏迎將且懼詞鋒恣彈射豹箴
惜此管中班黛點羞渠肩上碧不然洪崖仙者過霧

幣炮駟羅什百詎容左右覲昌丰祗許依微攬芳澤
我時坐定深得之小大柱來成一易青天白日豈嘗
無好懷轉眼難尋繹祝融開面索新詩五老破顏愁
惡劇我持一影行萬里負舟而來山有力舉華寧侯
九春期繫範未了三年客正須慰藉管城公重此提
携煩脫憤

為蔣英仲作顏輝畫青山夜行圖歌

前山濕霧方濡濡後山蒸雲如鬼驅松蹊行盡迫曛
黑壁月正掛寒蟾蜍問翁蒼茫何所途投館莫有林
間廬枯梢尚鳴風勢急隈岸欲渡溪流盡沃洲天姥
雖峭絕無此原豁深盤紆固應豐城牛斗墟龍劔夜
出乘飛符神人仗氣挾以俱帟豹芴躑雄牙須世間

何物珊瑚株不可褻翫矧可誣青峰之巔野水但獨
往侶是仙者徒心融意定不少假收攬竒恠一筆模
蔣君閑朝攜過予墨色照几晴光鋪老顏未老為此
圖椰子歌罷三嗚呼南州雙壁范与虞君當請賦傾
明珠

出新城門至北沙下行視陶瓦

二年居城傷局促腰脚未免成堅頑西山迎馬若導
從隔江正面開雲鬢想渠故要詩料理况此已復秋
闌珊青林紅樹高下映瀣水卷盡霜痕斑村墟雖小
有雞友砂行十里到即還黉宮改作土功起牆事休
來農務閑直防若窳厲陶旂遂走犂确勞鞍鏗古云
薄物毋芥蒂特取盡已方安安心為形役語非是動

靜自我操其端爰從憂患出苦力偶竊祿食猶空食
西風輒贈好山水起我平生清淨觀夢遊已了豫章
郭飽目尚欠巨廬山胸中塵土要淘汰微此得不謝
天慳吾人所賦實蹇淺報貺豈有青琅玕

後木龍淵歌為陳景常作用其韻

我齋誰名名袞芥有肅其趨坐軒廡坐來歌徹木龍
淵卷雨輸雲出江許是淵無龍安有木土石夔魑非
若伍想當塹荒刊翳初已辨枯槎閱終古剝形實籍
水為鋒騰身尚恐雷憑怒沙湮浪泪幾何秋翁合蒼
精配金帛不然因會戮防風殘骸搗骨相支拄專車
剝盡化控楫羞向人前承樂祖他生勛書未自獻問
尔非臯我非禹直将夜思破湯湯往和谷聲呼許許

又聞用木作寓龍致得陳寶祠中語降神報貺不在
真獍鬚逆鱗吁可數湫移偶爾閣汀淵轉眄遂与波
濤阻幸依硯席聽吾伊免逐泉珠疑賈豎是龍是木
不渠嗔但覺噫氣吹還煦物化為人人化物上天下
田雲作渚水龍招君君徑歸袖有淵神三尺雨故饒
龍文不成謳未害本人能起舞誰為斧鉞誰為衮春
秋傷麟禮傷鼠還君置我一束芻芻許可當年陳仲舉

題高彦敬尚書竹石圖

尚書胸中貯秋色翠石蒼筠隨點筆當其被酒氣初
酣芒角森森出矛戟墨痕散作紙背光虎卧龍騰俱
有迹伯夷去後凜清風矧向生來古遺直見之冠佩
不敢燕矧是圓壇方薦壁房山西北弁山南二老交

情嘗莫逆陶泓毛穎始受呼不寫穠芳寫寒碧流傳
此物成宅相鈿軸縹囊新潢飾老夫饒口近更滋便
欲歸山煮吾箬詩成題作主林神未害西湖渠不識

雪後苦寒

一冬愆陽積之久陰氣乘凌如決驟飛雪終驚窮臘
交初寒漫逼新年後宵眠輾轉成跼躬晨興播洒愁
龜手羣山歲疾巖骨峭下瀨膝流溪腹厚歌歌瘦竹
豈堪支植植僵株如恐仆寧無魚淦入淵潛固有獸
窮離曠走兩間自尔捩翳曠萬物于何遂牙紐衰年
疲芥動畏兢窮屋棲遲甘老醜朝盤至午得饗餐凍
盃經旬無漚滫堆床敗絮可能温施擔枯樵聊足爇
咄茲恠見駭南翁啓我夢遊追北叟天時豈久佛常

經君子唯當堅素守既欣瘴癘掃氛穢將喜來年盈
龍畝遲遲陽德際服升杲杲天光發豐蔀
治朝有道容我拙日飲山堂無事酒

自勘居山所作詩題其後

世言作詩能致窮遂指此物為妖凶不知善藥
不龜手時來或取通封侯我生屢涉憂患境所
不偶世由天慵有言即吐非尚口譬若氣至鳴
蜩蛩何嘗夢見古壘洗頰頽濯出清美吞嘲吟
未免雜淒楚安媚豈復能昌丰宦游足跡半
宇內顛毛雪白身龍鍾歸來十事九多忤頭
有愁緒無歡悰尚餘結習在篇翰風雅遠矣
吾何從逢高環堵適自好乾坤萬象誰當供

唯應未斷綺語業豈意更留鴻雪蹤一年藁卷盈一
束論石猶堪幾簾容夜郎東屯兩醉叟流落西望千
山重胸中繡線雖采緝不得帝來親弥縫蘇梅黃陳
後起者世豈不泐乖其逢九州四海莫予騁一生坐
受飢寒攻咄予六六牛馬走仰視遷固其猶龍賤生
無用此語實何況竊發言非維榮華豈是拙者事圖
畫將為後世宗自歌自詈自拊几和予付與風號冬

三月十日觀南安趙使君所藏書畫古器物
三月挾旬新雨餘市河一舸如浮苴言尋佳客趙橫
浦步入城隅門巷紆褰簾迎揖坐便坐深炷爐熏呼
茗盃硯屏方截紫綺段楚瑤秀列珊瑚株是家素号
虹月舫載畫盈簾書盈車客遲好事要審鑒便肯解

褚傾囊儲相看貴德亦貴物古玉錯落排筵敷鹿盧
帶鈎環珮玦鞞鞞昔將承屬鏤佩章六紐四官印篆
畫刻深銅質麗配之衝牙奉君子貫以繫璣聯金魚
連錢駟馬琢文玉圍人側立垂裙裾神工定復煩削
剗赤刀故想來銀鏤次陳鼎器論製作商周秦漢焉
可誣玄武實水白實醴腹背翠錯提梁朱最奇劔槩
尺有咫綠玉龜鱗純體膚精銅歲久剛性在間閱燥
濕其無渝銓量畫品差甲乙錦標三軸隨伸舒庭光
古佛出梵相滿月在水蓮生趺盧前吳後筆鋒勁履
豨承蝸玄化俱瑤池仙會上中卷細巧自是吳元瑜
雲霞樓觀迹隱見花竹羽毛工染濡絳旌飄轉紫簫
發步輦導從千瓊姝終篇八駿惜既闕詩亡可補此

置諸意夫鬼物捍癘吝免彼耄荒留歎吁徐熙葩葉
妙設色塵昏蠹蝕猶鮮腴古絹一段寫秋意芙蓉鷓
鴒連茭蘆夢載鴟夷浮浩眇此興初不緣尊鱸七客
張萱為誰作濃墨大筆色不枯五人人跨一善馬一
跨烏捷一蹇驢印窠慘澹悅生字豈曾藉入官中帑
穰穰畫苑姑撥棄伸眉更請評法書二王真迹胡可
得硬黃數幅真唐摹蘭亭五字損不損肥本瘦本班
斑殊如人身口耳目具神采乃在頰上鬚扁首舉樽
雖甚侶優孟抵掌何其踈世間褚墨日弊弊欲駕跛
驚行天衢南唐常侍六書學凌轢斯邈開榛蕪雜詩
流麗滿一卷銅角篆法無能踰金繩鐵紐莽回互山
蚪海蜃爭騰驅嗟予欲讀屢拊口形求意索且須史

泰山繼起石鼓後李監捷出張先孤向傲二徐為啓
籥此道湮滅誰昭蘇真書生行行生草飛白籀隸同
一樞張顛草聖入三昧小楷妙合褚與虞郎官石記
毀已久百金可有墨本無世之珍物豈待贊題識况
復經鮮于綺園用夏四神坐刻字寸許無葩莠求平
元明紀功頌燕然何在搨墨烏匡鑄野刻百數種傳
觀一二日已晡餘歡未盡謀再至榜人催發吾婦欵
莫投蕭寺微雨作昏燈照影溜鳴渠冥懷且復領其
要回向灼觀心地初百年蓬累大宇宙蕩搖不啻風
中機寓意於物形物著尤物亦能為我娛滯形小足
致偷棄大或控頤傷口珠牛李相傾坐石榻王涯復
壁嘻其愚吾徒適目取一快彼豪巧者方睢盱唏子

嗜古與君並見獵時然思負嵎矢詩紀載實醜縷若
遇匠手當刊除同觀六士梁越產王揚三子甘陳予
交游聚散等萍絮春風渺々吹江湖徵詩如見所見
者後有畫者傳之圖

中秋夜半起看月戲題長句調靜遠子安二
友山長

青天明月不可呼何況有酒無江鱸寒燈顧影嘆離
索如此良夕焉能孤三年家居三見月此獨不見為
躊躇夢回虛館漏聲急碧霄瑩淨開冰壺仰看圓魄
掛屋角俯見流光穿座隅整衣起舞青桂下白露泫
泫寒生膚他霄得酒有明月山栖未免思江湖闔閭
城東庠舍靜庭列柳榆三四株暗蛩振股和鳴杵栖

鵲翻樹如驚孤素娥似為我幽獨故出光景相嬉娛
不然願兔養靈魄何以拭淚縣方諸百年心賞半塵
土豈獨負丞兼負予好懷都付橙蟹月淡味寧忘杞
菊厨陰晴聚散胡可擬雲翻雨覆無須更清琴在手
不成弄且復題詩訊大巫

寄題惠山華氏溪山勝槩亭

山如尊卣溪如籀洗刷秋光出深秀市塵飛不到亭
臯翠幌朱簾閑白晝主人宴坐與天游收拾至樂歸
之酒絲管惜惜大雅筵荃蘭泥泥離騷圃以心觀心
迺如此更為溪山發神腴水榭褰開尋丈間物華捷
出雕鏤右客未問石石忘言客去留雲雲為守惠山
山中第二泉水品古今誇滿口井幹餘滋滋為瀾落
毳飄來鳥驚救高人但取一賞足擇勝誰能占幽茂
兩腋清風起振衣百年陳迹供回首寄聲鷗鷺莫相
疑還我靈龜養老壽

題趙敬叔所藏龍眠飛騎習射圖

元豐盛際臻重熙駕幸寶津方戒期材官騎射選精
銳人備馬駿由天姿雕弓引發赤羽箭絳綃繫在青
楊枝班中驩言斫鬃射好手莫是六州兒拖毬飛碓
最鮮中十中三四總稱奇人如明星馬如電日色眩
轉交龍旂彤庭賞雋賜金帛周廬艷日生晶輝激揚
材武振士氣正藉廟略能匡時集英排仗候廷試畢
景未休宮漏遲南宮仙伯預宣押應奉殿門因縱窺
延上寶圖唯我見宮中秘戲少人知白筆追摹得神

駿五采不復煩彰施唯雖堂清翫要有屬太丞內署知
為誰慶元逆數到元祐畫江自固運已移紫陽語繫
錫山後法雲舊案重稱提題詩村簡定王氏入官延閣
方然藜嘉定章公中執法二年已巳升中司兩公出
語各臻妙驪珠滿橐光離離承平兵制况在鴟燕安
鳩毒終難醫趙侯鉤致自甌粵啓龔傳翫晴虹披玉山
汪氏所珍蓄再落人手迺得之霜蹄十六脫其半騎者臆語如
指麾由來得意忘彼象若也補亡非是詩何況龍眠記畫意字
字透紙沙畫雖天毯河圖悵莫覲寶玉大方欣有婦材如趙侯
當用世縱靶已並驚飈馳移人果豈在尤物但視無逸為元龜

與用章戴生同度淡竹嶺夜宿山家

一溪屢涉溪流淺廿里窮源臨絕巘雲間仄徑細如

螢霜後枯蔓齊若剪沙崩石爛阻危攀磴斷崖縣還
斗轉已驚汗袂泫餘滋更擬班荆息微喘未昏斜照
白波淪直下遙空青霧卷粵初川嶽各流形自是陰
陽始昭辨誰開壑谷通片榮重為封圻制鉤鍵神工
使解鏟崔嵬世路何庸增連蹇舍車未免役孱軀楮
榮聊將收勝踐粉榆連蔭壯且襄姻友閑情行孰遣
吾生已付一浮漚此足寧堪幾重趼莫投山館睡
勦雨撼窓扉燈現現寒雞呼夢報詩成曠懷直為朋
知展

載酒堂詩并序

蘭溪州同知州事彭侯震鄉為南寧軍判官日嘗訪
得蘇文忠公載酒堂遺址築室肖像即脩祠事朝野

名勝往往形之賦詠予知侯有懷賢尚德之心則夫
宜人之政是不一書而已作載酒堂詩詞曰

東坡先生如龍鸞世人疑其欲飛蟠九州四海不容
足攝身徑去窺鬣鬣南荒萬里澹耳國帝遣海若開
竒觀潛淵抉得睡驪目思山夢見峨眉鬯颶風惡浪
吁可駭土芋脫粟纔供餐黎家兄弟好事者小酒初
熟生微瀾巾童迎路吹葱葉門東刺竹西牛闌扶攜
歸去常半醉流落生存重一歡四裂善善君子類若
比張蔡猶蕭蘭天乎木鐸何望爾蠅之附驥渠非難
誰尋雪迹到鴻爪正用載酒標堂顏百年文獻隨草
葵庭階蕪沒井且咎風流別駕彭夫子未負進賢頭
上冠是心尚德甚飢渴挈取舊物還祠官書銘小摘

枕柳綠薦俎時羞荔子丹海邦夷俗雜蛙黽茲事信
為風化端音聲固有合琴瑟嗜好果豈殊醎酸竭來
蘭險語吾故緇衣三詠三長歎咄哉愷悌神所勞雲
路蹇首看扶搏

雷琴行為薩仲明賦中有銘云天寶二年雷威造

美琴論德無論質如玉函和中鎮栗蛻形鍊骨龍體
成九轉丹功在縣秦唐人妙斲稱雷威桐材計尋天
予之當時重購已莫致到此瑤秘知由誰七百年中
幾桑海大物尚隨人代改庚庚玄理侶鮎文鬼蓄神
絨端有在薩君昔遊冶城東傾倒囊褚携松風道逢
陸子驚再拜世乃有此雲和宗雲和收聲吁已久滿
耳淫哇聽欲嘔鼓磬非因襄武止絃歌實自猗那首

執器求道道迺全聲形精感人其天薦之廟郊鳳當
下盛際追還天瑤前

寄題陳子敬錄判澹古齋

光堯論書稱澹古誰其采之名子所想應推口厭芳
辛且憚取妍趨媚媵治心養氣豈無端致一疑神要
有緒雖微昂實載外牲劣可堂筵容布武開卷明明
揖聖賢美黍昭昭羞兒女是中趨尚乃大佳俗下愛
憎難遽數玄酒猶堪饗廟郊疏布何嘗愧文黼一溪
晴綠看揉籃二頃圭田催釀黍天機誰者得之深為
問人間養生芒主

題高尚書藤紙畫雲林岵嶂圖

髯翁昔飲西湖渌滿意看山看不足醉拈官帟寫秋

光割截五州雲一幅吾聞妙畫能通仙此紙度可支
千年祇愁蓬萊失左股六鰲戴之飛上天

題陳子仁屏間新作長松疊嶂

陳子胸中有奇句墨 雲時一吐不知毫穎挾何

神噴刻移山起烟霧 屏演飾素光搖眼明見此青

霞標塵埃 履我顏序為子三賦淮南招

介福堂詩為張繁昌作繁昌之祖藍山先生
為紫陽之學鄉人築室奉祠列之學官繁昌

仁

藍山張氏家有堂素屏樸几六尺牀堂中壽母八十
強鬢髮未變雙瞳光有子朱紱垂銀章有孫經明貢
于鄉彬彬濬發文字祥弥甥亦已第奉常歲時拜慶

儼趨蹌脯腸薦豆醴實觴庀眉一笑回春陽樹萱在
背英煌煌和氣充初天降康繡紋新添畧景長是家
蕪裝裝連墨莊往往刈熟盈困倉廼翁談經臨象璜青
衿弟子如鷹行上窺雲谷開微茫著書充麓名山歲
精廬百世饗烝嘗祖孫播獲歲乃穰此道付與今繁
昌政學優優問弥彰裁之培之至敷芳本深末茂理
則當毋昔窻居稱未亡肆今五鼎食有魴介福堂成
貯縑緗大篆題禡鄉雲驤賓客上堂聲必揚有來觀
樂歌泱泱天津之女工織襄言將為母製錦裳他時
荅誥鳳銜將併與總藉充承筐蟠桃種在瑤池芴碧
寶纍纍秋露香仙人界以却老方執壺起酌天瓢漿
金華小兒牧羣羊疇者授道張子房作詩寄壽言荒

荒毋當啓籥分玄霜

觀宣撫資政鄭公追復元官誥詞題其後

鄭公進仕由咸陽才則有為時則否主和正尔持死
力覺國寧甘陷戎醜廟堂手挾震主威壯夫奪氣闕
其口銓封朝上夕投荒公抹止之言弗售自茲違弼
意稍乖未必畜犬真堪嗾長孺居中誠少戇相如使
蜀非徒厚屯耕雖則致羸羨反使煩言推罪首江州
獄具徒封州妻子流離窮見肘朋淫乃更滋瘴癘亡
鑑不媿殲壽若台星中圻山亦頽國不負秦秦自負
明年手詔收權綱追復流人洗瑕垢從官恩典視生
存還昇其家猶固有悔心一發本諸誠訓語明明知
所受誥綾六尺載書詞印窠滿幅縈蟲紐東序河鬲

局足多繼世子孫當寶守天生忠賢豈無意毀譽方
來在身後秦顛鄭善古有云易概深耕視終畝國非
其國六十年權以春秋夫豈苟檜如狗彘人不食公
如龍麟駮帝右矢詩追繫辨姦篇太史賤臣牛馬走
草堂比丘尚賢為報母故刻指出血煎煉如
法命其弟子如琬以小楷書妙法蓮華經一
部七卷匱而藏之搃勝閣上予嘗閱是經隨
喜說偈昔紹興中有僧寶元刻血寫金光明
經全部施是山今尚在焉

我觀衆人與我身通體氣血常充滿云何觸抹生痛
楚關節脉理元相管四支百骸皆有血流行膚革初
無溢以鍼刺指即得之渥丹濡濡供漬筆法華妙經

佛所說經凡幾字字幾畫蠅頭細字滿夾書天龍夜
叉承指後血出尚賢書出琬是師弟子本同性龍華
會上昔相從信心一發起圓證縣知是血母所生為
報母恩知法忍一鍼一滴聚成勺書經有盡血無盡
願茲寶印金色光載母上生游極樂妙莊嚴域常現
前是經在處獲尊閣今生賢琬兩比丘前身寶元無
乃是五色雲臺舍利幢藏海蓮華相對起我嘗奉佛
樂我淨與聞種種殊勝事一朝拾得王髻珠五十小
劫皆實際昔人持經向空裏雨尚不能至其處况夫
性血之所書無量諸佛垂善喻大雲所覆甘露濡四
海九州同稽首我今隨喜為述偈子墨客卿當諦受
黃晉卿提舉授官初歸予借敬舛輕行訪之

假榻湖邊滿心僧院明日病作敬料先還予
留就醫藥數日乃歸予少時嘗聽琴此院今
四十年矣

湖濤僧齋聽琴筑間四十年来不速秀眉一衲今雪
顛迎門坐窓煮茶熟自獻竹檻嘆童婦更拂藜床延
客宿客方病起氣如絲夜枕歆眠屢驚觸晨具體惡
頭岑岑三日忘食不思粥歸者先婦留者留賴是吾
生耐幽獨疲羸猶資藥餌扶過存厚謝親朋辱陰陽
致寇孰乘之小待神完理當復行葢一迹大累人畏
影偏教影相逐莫途久真折腰具高誼能忘軟脚局
湖山歎歎惜重遠雨色雲容看未足寧能將此不資
身坐耗齋厨兩囊粟鶴背西風去意輕命僕肩輿催

結束

題錢選畫僊居圖

仙人羽駕青雲輿游戲八極陵空虛神山縹緲在何
許意所到處皆方壺畫師豈嘗與之接夢時識取醒
時摹聯棟紫房縣薜荔交何碧樹排珊瑚琴書整暇
筵几靜左右絳氣橫扶踈武陵溪曲仇池路人迹往
往通樵漁仙凡一膜初不隔悟迷異趣何其殊奔輪
駭轍世多有逐臭未免如蟲蛆吳興老錢招隱曲駕
言設色調方諸披圖三誦歸來乎盍亦視此招搖車

過閘行

二章合下如奔矢絕出爲河容匯水南橋北柁越堞
來後挽前抽爭一畦懋遷物品實

王畿嶽貢方輸千百紫商功已覺十分贏趨利真成
三倍市

聖人垂運智者謀尚憶當年河事始向非廟笑屈奉
榮安得安航若平履天開地闢幾何年禹迹茫茫大
疆理毋將本幹貳強弱所務有無通遠迹日高捷開
放三版津人絕噐舟銜尾河渠使者水衡丞走馬西
來呼起起

松雪老人臨王晉卿烟江疊嶂圖歌

君不見帝堦王家寶繪堂山川發墨開鴻荒重江疊
嶂詩作畫東坡留題雲錦光又不見後身松雪齋中
叟伸帑臨摹筆鋒走樓臺縹緲出林坳蘆葦蕭騷截
澤數白雲飛不盡青冥百丈牽江入樊口墨花照几

射我眸我爲舉考歌遠遊胸中是物有元氣世上何
所無滄洲我疑此叟猶未化瞬息御氣行九州五山
四溟一觴豆瑣細弗遺囊褚收故能援毫發天藻不
與俗工爭醜好楚山雲歸楚水流萬里秋光如電掃
拈來闕董散花禪別出曹劉斲輪巧披面我作如是
觀毛穎陶泓共聞道嗚呼相馬亦相人駑駘豈得同
翔麟舍夫毛骨論形侶如此鑒賞焉能真後來有問
延祐脚意索舉侶吾方歎

送蕭從道還蜀歌并序

蕭侯從道自京還蜀艤舟廣陵薄遊吳會解后一見
如故交焉蓋侯以遼東貴族累世將家早從征伐藝
勇有聲髧父爵爲萬戶鎮保寧秦定未上屯耕便宜

京師會闕外稱兵侯受

詔前行奉旗斬將功最一時亡幾雲南大理亦憑險
擾邊廷議遣使持節分道督戰侯與在行獨由烏蒙
深入巢穴折其鋒銳凶渠授首逆類悉平幕府上其
平南之績吏持微法賞典未下侯載家徑歸朝廷制
爵祿以馭臣顧於侯係吝若是邪侯方將覽觀山川
形勝以據發冑中之耿耿然自此泝江入蜀魏吳戰
爭之故墟遺壘往往而在弔古興懷可以慨然而賦
矣因貰酒酌侯申歌以送之

天曆之元邊廩起反兵攻闕如突豕宴安鳩毒五十
年霸上棘門徒戲耳相臣隻手扶乾綱虞淵取日宣
重光雷行固已觀用壯罷戰不必疑無陽蕭侯蜀帥

方入奏受

鉞前驅渠敢後鼓行三闕

既倍往往短

兵能獲醜

係組纒來軹道旁奔鯨復震

川右樞庭

論將豈無人懦夫上馬還遊巡念非蕭侯林勇者詎

足潛消蜂蟻屯傳聲六詔將深入已覺蠶崖鐵騎陳

仁義之師若時雨太彌獲禽非我所坐令萬里哀牢

夷回謝天威迺鑿斧捷書徑上清暑宮節制重開紫

微府論功亦或陷深文霸陵閑殺故將軍京華再見

梅花發春色遙從錦水分相逢弔古吳臺下壯士寧

為時所捨載愁萬斛壓婦舟舟經灩澦高於馬江水

萬派從天來江花錦帆相暎開長歌擊劍歌莫哀隨

世功名何有哉

韓魏國忠獻王七世孫植甫家觀王蟬冕畫

像

文奎瑞宗三百年英雲五彩章賦篇出藩入從國秉
重勢如九鼎安堂遶西戎小醜罔干紀北門三軍常
晏眠誰爲杜稷存至計藉此粉墨開凌灼崎嶇南徒
今異代啓匱傳觀玉色鮮使時殷耆猶弗弗安用蜀
業圖其偏神人玩世未嘗死剛風乘之游九天李君
執御我問世更恨凡骨何能仙

歸度太陽嶺

北南二嶺中我居出入堡塞險且迂方州治縣能弗
往往則盤辟徒舍車金華枝引巖岫蹙丹霞翠霧交
及噓人影翔天雲在下溪流宛委匆行書浮嵐開道
通兩屐落日掛樹明三珠是節秋高氣初肅喘息微

汗衣成濡崖間野菊雖瑣細黃艷迎人偏靜姝連峰
轉想畫爲假恠石特疑神所剗居庸桑乾矗天北戎
嘗騎乘陟其碣彼誠崖絕猶戴轍此更礪砢難容跣
尻輿神馬意所適四海八荒同一驅咄哉屈子遠遊
躅撰轡欲繫扶桑株

天台張節婦吟

天台山中百本桑枝葉泫露晞春陽女婦采桑葉肥
厚飼蠶作繭盛滿筐盆手縲絲絲萬緒不將織杼爲
縑緗縑緗縫衣破誰補凍絃絙瑟聲淒營瑟聲淒楚
還自悲婦昔紅顏畫眉嫵羅襦未綻變苴衰嫠姑在
養兒在乳家貧百需叢一身惡笄我是未亡人績燈
明分夜窓讀牖膳厚具高堂玳巢傾雛弱風復兩扶

宗一節四十春婦為壽母兒亦壯白髮令飴坐堂上
荒灼喬木幾家存况復有人備薦望天憐忠貞嘗獨
厚世微表厲吾安放詩書流澤稱清門婦家有子且
有孫過車入里見憑軾飲其德者如衢樽台山峩峩
水深深明月下照秋無陰絲聲按節指可尋一彈彈
為節婦吟雅頌自足開人心世迺有此瑤華音

題瀛州仙會圖

巨鰲驤首戴三山海波不驚馬坤軸安方壺員嶠彼何
境靈氣布濩非人間金銀觀闕勢如翥攢林珠樹垂
珊瑚穰題竦擢明河畔閣道橫截浮雲端仙人來往
羽衛備或駕紫鳳駖青鸞霓裳法曲舞初破執樂摸
姬神彩閑時容下界攬薌澤却對連峯愁髻鬟茅龍

飛去杳無迹烏駿兔走雙跳丸蓬萊舟近風引却三
歎靈蹤難重攀是誰模寫枕前夢欲用鑄鑿區中頑
神仙固多狡獪事世儒論著存不刪賈牛賦鵬語夫
道後有達者當大觀忽然為人化異物斯理幾何堪
控搏仇池洞穴通小有神清王字標孱顏彼皆曰竟
示生悟直啓真源湔垢癥嗟余質薄迫世隘輕舉便
擬凌飛翰披圖愴怳縱玄覽託乘浮游窺九闕無窮
八極莫一遇返道遂与松喬班登年閱世要自致何
必辛苦成金丹

題臨峯捕魚圖

斬伐聯艦縛為柵中流起罾如舉罟取魚計獲有且
多撥刺銀刀長數尺船頭五兩受風偏雙槳乘之轉

山急夜涼星斗滿川垂灼銷鮫鱗騰空擲江鱗穿柳
趁朝虛白粲裝囊供日食人生漁樂樂可知雲月為
家天一席翁歌媪醉兒嘯呼有酒盈甌無事後前林
楓樾踈欲凋後岸芟蘆葦寒可剔沂淮入汴昔所經野
少荒郊曾自歷祗疑輞口舊山川猶是高人畫時迹
世言圖畫能象物風土班班證今昔乾元去亂幾何
年右輔分畿無數驛畷漁樂業迺如此休養真堪遂
生息臨摹甚侶誰所為大筆中藏千鈞力君不見舟
車入笑析毫釐漢皇經國國未卑雖云山澤有厲禁
魚麗以後非無詩

題龍眠釋迦出山像

明星在天斜漢落佛道靈明魔道弱脩行已證等覺

位不顧身形瘦如削華縵垂袒雲半肩步出山來
雙脚文殊偃眉普賢笑滿谷天風韻天樂青蓮貼貼
印虛空白象耽耽係羈絡自茲應物如洪鈞五陰五
濁皆清廓龍眠昔是會中人以心應手親描摸纖煤
利穎發其神聖鼻鉤輪無此斷流傳什伯甲子餘五
采珠光破冥冥鄮江古寺秋日暉洗滌翳晴煩發齋
稽首調御天人師優鉢曇華開一掌

蕃王獻寶圖

皇天饗德親至仁四夷慕義悉來臣押奚兩蕃稱使
者稽首自請輸庭珎梯航琛賚慚後至象犀珠貝充
前陳髦鬻何由舍愛吝聖化如天能服馴仁柔義懷
乃至是聲驅威愴非其真君不見周公居中秉周禮

士會書成白環至按圖索驥豈不然貞觀興唐有畫傳

題王宰所藏墨龍

飛廉為御豐隆車憑陵九淵傾尾閭誰與發墨啓玄
奧神光躡斗旋其樞湖邊竹屋清夜徂防有沒人來
摘珠

商學士畫雲壑招提歌有序

諸生淵魯不花嘗從其父官洛下強學好脩得於山
水之助者也集賢侍讀學士商公見而器之為畫雲
壑招提以贈乞予作歌公此圖意韻閑遠生能求之
筆墨之外將不由是而有發乎

高為巔峯下為壑羣木恹恹風欲作浮紅動翠何許
侶別崦殘雲明佛閣眼中疑此洛南山只尺便到龍
門灣暗潮已落洲渚出新月未上漁樵還商侯胸有
羣王府借酒時時一軒露迎春閣下墨淋漓餘情亦
及滄洲趣好山好水如高人豈直貌敬將心親平生
幾夢奉先寺不知猿鳥猶相嗔君不見飲酒吟詩狂
太白曾是匡山讀書客泥途失脚走憧憧歲晚看雲
情脉脉生今益壯業益脩未可造次思巖幽披圖瀆
墨歌遠遊我無桓玄寒具油

僧傳古踴霧出波龍圖歌

兼公好龍致真龍精氣所感無不通僧中劉累有傳
古夜夢捷入驪龍宮陽暉焰焰陰魄動左右給侍皆
魚蟲探珠不得逢彼怒轟然鼓鬣興雷風潛窺竊識

領其妙寫之萬楮將無同目睛數月繞一點波浪只
尺如層空乘雲執鏡麾電母跨海獻寶招河宗劉嘗
善豢古善畫得意忘象象乃工為龍為畫了不識有
頃喫水投長虹龍乎龍乎德正中超忽變化天為功
絳宮帝子秉節從九淵喚起赤鯁公永奠鰲極聞鴻
濛

柳待制文集卷之三

柳待制文集卷之四

律詩

五言

同楊仲禮和袁集賢上都詩十首

教諭泰和歐陽溥編輯
訓導江浦郁珎校正

出塞行瞻日趨朝喜近天離宮開苑園馳道絕風烟
瑤水巡非遠峒山曆更繇甘泉多法從獻賦憶當年
兩水漸衣黑雲砂際日黃烟開繞黯慘日出已蒼涼
徇俗高簷帽清心小篆香端居萬里念蕙艸惜微芳
昔建寮中業初開微外山雉城平兀兀沙水淨灣灣
朱夏宸游正清秋武衛聞叨陪文學乘空愧髣髴
謠俗隨方異溝塗隔舍迷醺人唯馬漣勸客有駝蹄
殿角孤花靚城隅雜樹低天涯中夜舞如意昔曾携

天潢猶白白雲幕故青青積潦摧車軸高風墮箭翎
宮塗丹赭墜殿戶紫金釘女樂蓬萊祕哀籥動杳冥
幄殿層雲障轅門積雪峯竒鷹皆戴角御馬盡飛龍
瀚海將臨幸云亭望陟封青丘大羽獵有事待玄冬
曹務唯章句官規自法程齋扉侵兩潤宴几得風清
歷歷三刀夢行行萬里城明年遂耕隱深仗酒為名
經游還絕塞際遇復清朝大暑無蒙綌輕寒已御貂
盤空葦屨薦觴至酒頻澆貧病諳為客何慙帶減腰
公子青絲轡王孫綠幘車宴酣風小定舞破日西斜
手擲宮中菓神行海上查築郿毋自厚儉德不期奢
水草方方善弓孤戶戶便合圍連婦女從戎到曾玄
雪毳千家帳冰歌百眼泉浚稽山更北長望斗光懸

送李文晦僉事易節燕南十首

此候催乘傳東人挽去轅不觀滄海小安識大行尊
好爵隨年進初心與道存老儒當劇部煩護國西門
儒有操存固才湏體用該律文微法具心學左圖開
更借皇華使重光肅政臺析津占分野星動斗間魁
邦圻全趙際詩教古周南蕩節褻文玉輶車備左駮
靜宜觀物變清至飲泉甘河患頻年息民康化易覃
鷗鷺三秋擊騏驎萬里行官聯漢直指經術魯諸生
世或深求法公惟不近名天心與民監上下一昭明
後起或持橐同升已秉鈞三遷分節鉞萬化待彌綸
自是區中寶宜為席上珍平津若開閣未必舍斯人
治獄多陰德傳家有寧馨一夔當奏樂三鳳見儀庭

戎實存康濟誰方忌獨醒之官趨便道回首鵲湖亭
發括山區外台明海嶼中為生民少曾食力歲宜豐
謠俗方方問檐帷處處通薦恭人自化無欲是深功
歷下名泉衆江南芳草多悠悠增越思往往振燕歌
濔水冰猶壯壇山石未訛北還今易節回鴈帶春和
贊皇壇山有周穆王
吉日癸巳四大字

王子朱絲直徐公王尺方得君同議讞厥類重從陽
上智能旌淋常情失吐剛法家制誅賞端合用其良

徐周呂為使王
在中為僉事

走昔登儒館公時刻省曹過逢常不數澹泊適相遭
入里能忘賤游庠辱譽髦臨分勤祝鯁何止戀綈袍
鄉友胡古愚久遊京師賦詩念歸賸然起予

日之同作次韵二首

東府銓衡外西籬雅頌邊青雲誰薦賦白日但催年
固欲翔千仞寧能闖九天淹留亦何遂未了北征篇
勞歌非異曲羸服有同袍客路添重趼童年憶兩髦
曉星田漏正春水釣舡高為寄吳江夢將慙蜀市遨

天師留國公挽詞二首

龍美神明胄游玄造化徒萬靈觀受印九斗直飛符
御氣今安往迎年故豈誣唯餘室中塵光景見懸珠
齋祠承畫法湯沐啓仙鄉觀物將齊化成真已坐忘
空瞻朱鳥影不見碧雞祥夫上飛廉館還應從
武皇

大司徒饒國公吳公挽詞二首

周世羣支合秦封故邑開著英今幾葉爵秩比三台
正倚椿年永何知薤露哀海山雲縹緲真待樂天來
綠玉扶衰杖黃封介壽卮高天流寵錫晚日被光熙
菊秀何妨澹松貞竟亦萎唯應韓擇木不媿歙州碑
送忽通叟著作行祠海嶽

軋御當陽日坤靈効臈初尚煩金馬使行探玉函書
魁柄熒熒揭龍光疊疊舒何須封禪草能賦逼相如
送朱本初法師赴豫章玉隆宮四首

北闕層雲紫西山薄雨青鷹鵬稱祕祀承

制領殊庭劔彩龍雙角衣文斗七星綠章深夜上神
爽動秋冥

籍在舟臺上神行劔氣間天香輕冉冉雲珮靜珊珊

便駕青鸞去應騎白鶴還名山九域記須為刻孱孱顏
鎖蛟惟有柱隋鼠已無家想到真仙宅能回俗士車
露壇春剪栢雲白夜敲茶人境今雙絕長吟採物華
久作江西夢翻從薊北遊雲間朝士烏霞外羽人丘
汎愛非無別深懷轉益愁山靈宜謝我下瀨有輕舟

登龍山寺後閣

山閣凌虛起江天引望開連延黃竹浦隱見白龍堆
雲樹離離出風帆杳杳來飛車倘堪躡即此妙高臺
能廉訪寄湖南道上詩次韵奉荅二首

嶽色褰帷看湖光攬轡收詩如陶菊晚心寄楚蘭秋
手內青冥斧筵間白玉舟感時潘騎省有賦莫登樓
荃衡無可揀拙括并宜收正想三湘月能涵七澤秋

關塗非改轍破浪合操舟慎重經綸具遲開五鳳樓
奉陪二府羣公重至北沙日而悵飲二首

稍轉龍沙路沙窮導騎休大官聯野飲小客思山遊
樹色爭知晚峰光悉獻秋移時偃旌蓋歸去不驚鷗
展席方成坐隨開擇勝亭日斜詩未就風度酒徐醒
間道收徒御當歌合從伶山公未嘗醉愛看晚峯青

寄贈陳君采二首時聞宴坐西峴山中

翠峴峯千仞峯蹊步步迷令人通履履藉子立階梯
欲點青雲破須尋白石題是中觀萬象軒豁露端倪
明明刪述軌本始數千年龜玉初誰毀麟膠合更煎
如將求抄忽自可制方圓微子孤吾望申歌意惘然

月曉兩赴健德門二首

潦已波道濃陰欲變曛紛紛蛙黽地汨汨馬牛羣
城色將無辨人聲僅有聞深思黃道次初不隔浮雲
一月恒多雨初更抵正朝人皆憂沮洳吾復畏漂搖
宗祀申嚴擔官班列具僚勞筋偶羸馬奔走意全銷

初夏齋中雜題

蜀溪溪水先世闢林廬重有江湖思甘從木石居
樹桐留宿鳳養竹待竿魚一一幽栖事窮年豈負子
功名如土梗歲月付萍漂病怯衣裘重衰者鬢髮凋
藥功遲久久酒裯見昭昭不是吟詩力何方破寂寥
壤隔溪流斷門依野次成初非慵應接自是寘將迎
筍蕨搜山得鹽豔入市營貧居薄滋味盤膾敢求精
經月始一出移時還小勞生涯依馬磨力作問蠶綠

藤刺青陰密楸花紫艷高兩晴看爛漫草徑莫令蕪
池岸方如截池波深可汨出門歌小海見客思滄洲
魚沫吹還息蛛絲斷忽抽萬生同一馬敢望絕轅軸
紫翠金華色浮空侶玉芝岡巒無百里衢路有千岐
鶴背王高下鯨魚李白騎丹經吾解讀須暇一重披
杳杳京華信栖栖龍畝身食糜多賸口黔突有勞薪
牲鼎雖無具鮭蔬亦粗陳朝食猶一飽不愧在家貧

山中九日三首目寓懷所知

九日西風裏千山落照邊白頭難諱老黃菊強為妍
酒向鄰家得杯從舊俗傳陶潛歸計是但覺費詩篇
節序匆匆換風霜稍稍侵賜英成注事餐菊是初心
欲就持螯飲除非跨鶴尋一身將一影猶恨隔雲岑

湖邊秋水觀送客具帆檣忽忽經年夢淒淒九日觴
山中黃葉滿淇上白雲長便作鸞鳥凰去何妨萬仞翔
聞臨江范德機以母喪哀毀而卒

才名朝士右行義古人中正想招旌起何嗟掩袂窮
山川還窳窳臺閣謗穹崇此世丹青筆吾今屬聖空
服斬誰非子推形不有身使能穿壙入果勝闕泉親
突兀留文冢淒涼卷釣緡夜臺開幕府還借筆如神
逝矣音容逝淒其翰墨存徒聞春罷相安用夫招魂
世已無耆哲吾猶忝弟昆生芻雖易具終愧玉人溫

哭內

汝世嗟何短吾年亦漸衰胡為齊甲子不共數期頤
饋奠將誰主形神自是離老來多涕淚情至極生悲

年侵常匱食兒大未承家共老心誠切多憂鬢早華
即令加飯含誰更問桑麻喪祭當從禮吾門不貴奢
僧舍除夕四首即簡買惟貞左司

歲晚窮陰逼城隅古寺寒天時當周易人事入憂端
不為庖厨薄從知道路難車魚皆外物長缺未須彈
薄袂齊三服高冠漢兩梁猶慚博士秩有累故人觴
塵土深如許山林取未忘江梅能厚我隨分予春陽
索寞杯觴外歡娛博塞中老思渾是妄苦語未成工
鬢髮絳絳白燈花焰焰紅推頰影一丈何負聶孺翁
小寄維摩室將乘笠澤舟歲闌書未達春近病先瘳
藥物聊須致丹沙莫苦求憑誰反招隱為我畔牢愁
二月七日與陳新甫甘允從飲范使君亭二

首

心賞他年屢湖光此處全春生鷗鳥外人醉杏花前
細竹侵除道殘陽滿繫船毋將比西子吾實愧華顛
醉客休移坐歌姬不受呼山光渾欲滴酒醅未宜孤
倒插浮屠影橫開罨畫圖史君能攬勝堆案有西湖
題瀛海菴曰憶舊遊

一幅烟綃展千重海觀開日華浮沆瀣雲氣接蓬萊
昔駕飛龍去還隨汎鷁回吾詩與君畫傾瀉盡瓊瑰
吳門逢張仲舉送之秣陵

東南多積水西北有孤雲盛氣宜鍾秀明時屬右文
若何開典訓自尔泝河汾此處山如洛登臨日又曛
烏府聲明地鴉林雅頌筵尊聞惟有在友教益宜專

莫取三鱸應終期一鶚騫吾徒負能事攬物要新篇
我輩相期意窮年豈繫名囊書方遠適舍權欲兼行
南斗文星動西風旱火生他宵有鴻雁載影過臺城

送胡廡使致仕北歸東原五首

在服須耆俊游迂重老更引年方未艾納節去何輕
泰嶽雲端出長庚月畔明一言興孝弟四海樂盈成
周詩尊者老漢節重祥刑傳說為霖兩鮮于是福星
獨游鷗炯炯高舉鳳冥冥出處關時運吾心与道寧
壯節澄清志孤懷獻納忠明敷當盛世休致仰高風
醴酒傾杯綠丹砂入臉紅魯侯宜燕喜春在畫圖中
越部山為畛齊民歲阻飢皇華方攬轡太史亦陳詩
食德何多幸遺榮此一時東門開祖道花影動春曦

種德高槐並留香晚菊鮮鳳毛方瑞世鶴骨正宜年
曠視浮雲表真游太古前群峯曰嶽小霧卷見青天

睡餘偶題五首

青衿嗟老福白髮向書垂重託厄叵養能忘草木滋
潯陽三畝宅同谷七歌詩境熟初何累情忘適更奇
竹處風清暑梅時雨報豐蕭條欹枕外安隱開門中
藥物防衰景蓬蒿信薄躬有懷誰与語朋友各西東
此世何多幸予生厚自憐簡書方厲禁裘葛屢催年
正是穉能熟其如橘不運推藏南郭隱放浪北窓眠
惜此珊瑚玦栖之薜荔林青山圍坐密白日放歌長
客久遠朝籍人誰問夕郎駕車容一駟何必更留良
侯客真當逐虞冠莫重招議形纔鑄鼎樂聖但歌樵

藻荇猶堪摯芝薇幸有苗不能糜爾爵焉用折吾腰

十六夜重對月

白兔不搗藥病衰將柰何酒嫌他日少月侶昨宵多
寡鶴無誰和新鴻亦未過兒童解娛老舞影屢僂僂
許益之訃至慟餘有作五首

賢興寧論世道大欲俾天聖路無迂轍師門有絕絃
全歸成此志不朽待他年逝水西風急空林落照縣
宿學滋滄隊微言亦混茫絕逢方未厭古鵬竟為殃
正使羣歲在其如一鑑亡吾衰欲無慟有淚忽盈眶
朱鉛銷日力義理析秋豪折衷群言定離微獨見高
誰能同酌醴更復競鋪糟此道關休否吾非苟譽髦
珠光分後乘驥足仰前塵故想身無事猶為德有鄰

五窮偏害道二豎不憐貧歛服深衣去初何媿古人
世豈無精鑒人惟重所從祇應茅季偉偏善郭林宗
午館聞升復宵鄰輟相春鄉扮日凋瘵蜡社哭相逢

題離騷九歌圖

紫貝東皇席青霓北斗旗究觀神保意皇恤放臣悲
有客傳芭舞何人執籥吹楚巫千載恨憑向畫中窺

自題藁卷六首

特立無誰伍前行已莫追幸留青簡在忍使素心移
奪月陳珠琲蒸雲出茵芝何庸夸險絕吾實厭神奇
成言要有域涉道得無涯錦豈能傷美瑜將不掙瑕
迂踈求拔俗辛苦聖名家鄉學乾淳盛端嘉已漸奢
誰昔憑觀化吾今用攝生本根無變撥葩澤必敷榮

律呂常相應韶鈞豈自鳴世間有尤物何苦詫盈成
射侯常近正瞽相亦非迂果束諸儒傳誰開九軌塗
大烹祇薄味小出且徐驅佳穀垂秋實因之飽衆雛
大繭扶桑壘危絃絕磬冰憑誰絙瑤瑟為我撓朱繩
涼夜鮮飈起高秋爽氣澄故多清雅鄭試一辨淄澠
昔有尊元禮今惟侯子雲蛾眉毋見妬爰臂亦宜軍
語語推燕說行行避楚氛吾門刪述軌無惑守皇墳

晨起

曙地霧成兩過溪風卷雲朝光繞晡山氣亦氛氳
坐穩頭慵櫛愁深酒未醺烏啼向人急吾耳不圖聞

歲晏風雪中方壽父連翩惠詩次韻酬答

詩壇劉五字堅壁侶長城未必形吾怯深憑寄此情

和聲將律比佳興挾梅清雪夢儻然覺天葩正鏤瓊
聳叟方樊上先生自洛城弦匏惟有合鷗鷺得無情
若昔論三益于今讓獨清仙山鄙招隱高步躡飛瓊
麴生不繼注持底破愁城忽枉詩連軸尤慚譽過情
北風寒爐落小雪夜堂清安得吹簫侶能未噴紫瓊

長律

五言

贈別宋季任赴甘肅提舉二十韻

寧塞洮河外甘州瀚海隅羗髻通別譯封域界中區
氓俗風丕變

王靈德誕敷粵初聯吏治近亦好文儒左學將興蜀
西庠昉自虞懷章煩遠役鞭馬戎前驅驛路爭迎傳

關門不用縑水經張掖弱山對賀蘭孤禹鑿班班迹
函詩往往圖發時梅未夢上日草應芻元宰親加豆
諸生肅詠雩職司雖翰墨佩服已銀朱會覩天荒破
端令士氣麤槎明星是客鄉大酒為徒請播言斯在
君夷聖豈誣高才每流蕩平世匪崎嶇只作三年夢
須輕萬里途旃廬春韻韻笳管曉嗚嗚漿灑蒲萄益
翻寒翡翠爐新篇多慰意許可寄潛夫

故相東平忠獻王挽歌詞

龍帟乘參會麒麟踵畫圖記功宜顯顯論世匪區區
肇敏公維似明徵聖有謨陟庸纔秉軸運化亟旋樞
物已歸坯冶人將就措摸開誠登衆正獻可破羣諛
夫同耕鑿民儀異唯俞景鍾陳備樂浮鼓節投壺

尹德湯能協堯勲益載都方期扶日轂必使麗天衢
大角兵端起清宮摘變殊霜蕢飄荏苒風翰落倚梧
射影無鮫鱓磨牙甚豹貙淒涼朱鷺曲狼籍玉麟符
立事思常武成書恨毫姑攀髯應共載并屋竟誰呼
厚地難藏烈疑陰為蓄痛血留衣上碧吟失口中珠
溝閔遺多難摧凶激萬夫義娥還麗景慧字掃夷途
狂孽憑三窟神威覆五湖不煩府牘終見藁街誅
濁散陽明脉精垂晦魄蘇君門重肅穆賢路豈荒蕪
殉死身寧贖觀兵眼未枯春秋如有作盜賊敢稱孤
灞上仍堅壁驪山罷論徒董孤千載後丹筆詎應無
送南竺澄講主校經後却還杭州
鹿苑開鴻妙龍宮闕象玄關來幾譯披發露雙詮

梵學傳皆正華文潤乃全義深含窈眇道廣極淵泉
論自諸師造言因半偈宣何曾離性相間亦未機權
述鈔心同悟分科緒各牽函盛方秩秩素剥益縣縣
剖剝寧無舛研磨或更偏遂令迷永豕不復辨夔螭
佛耀昌齡啓

皇明正晝懸五城銀色界三殿寶花蕊重見引經日
如逢出震年 詔徵皆宿德 御講盡真筌此士孤
山隱前身華頂眠野雲生靜慧江月湛空圓天上青
靦座人間白馬羈微君能引重於世孰昭先晦魄風
簾燭頑陰雪屋檀聲將為律呂眼豈混朱鉛疑句多
多證蕪辭一一鑄法珠終照承宗鏡已當銓煥爛金
泥字牽聯玉簡編指河符

聖歷正穿石畢僧緣竣事繞敷奏疏榮亟勞還萬回花
錦麗大覺鉢孟鮮尚食來玆供司農輟禁錢 厖息
流澌澌鷁影去翩翩昨夢寧非蝶遲歸誤信鷓望京
猶綠樹入寺始紅蓮兩外排千耦烟中聽兩舫屢盈
南竺戶擢集北湖船巖觀應增聳川容若載蠲應求
隨燥溫鑽仰喻高堅夏懺朝朝禮秋燈夜夜然固知
融至理直可寄單傳客袂難為別朝簪未放捐愛閑
思結社食力待治田苦笑昌黎贛深懷惠遠賢獻花
憑一詠安有筆如椽

用韵重賦故相挽歌詞

元勳開社福盛德見儀圖烈烈神明胄恢恢禮樂區
帝猷咨相度祖笏付孫摹柱石需成廈機衡實應樞

舜裳施締繡歐冶用型模寧使千夫諤母容一士諛
文多徵杞宋舞或陋巴俞昧旦張謀慳嚴更聽漏壺
投茲維四裏隨邑盡三都制政方如律藏兵已在衢
豐勞從倉卒起事與古先殊輻說慚輿衛堂傾歎屋梧
使來俄覆醢祭罷孰陳疆西陸無回轡中階有圻符
聖氛疑梓慎拍海信麻姑月食終能掩雲乘不可呼
甚聞童叟泣何止僕人痛抵鵲將忘玉探驪誤得珠
殞身臣報主之死婦從夫未必衣冠辱終令耳目塗
繼明光宇宙流惡蕩江湖已正軍門戮尤嚴聖筆誅
陰消寧曠曠震往遂蘇蘇天紀初誰擾民蹊亦輶蕪
偃未休反熟卧柳不生枯豈恨仁賢殄深愁屬望孤
封圻荒社圃官姓啓申徒秋草年年碧臨風涕欲無

送州能左司出守會稽

南伯分符重東曹載筆光先憂勞鼎軸共理付藩方
日月封圻內江湖魏闕旁治心無孔老踐迹到龔黃
必使操刀割毋令學製傷閤鈴傳漏刺齋舫置書囊
賞憶荷花靚材憐竹箭良謝公多載酒賀老欲歸鄉
惜別燕歌短凝情越思長風輕文鷁動雲駛錦帆張
鵠去宜高舉鷗來豈遽忘爲農託鄰化安隱事耕桑
次韵答鄉友吳立夫見寄之作感別懷歸情
在其中矣
宇宙方來事江湖獨往人扶搖遺短翮濡沫到窮鱗
誤作軒裳夢終慙縞錦身跡雖伴燥濕學豈混疵醇
跼步逢多躓虛懷待一振屈伸乘卦氣消息供天均

喜際三雍啓還依六籍親馬韉從幸日螢案潔餐晨
滕口虞官謫稽謀信卜陳踐更非顯陟遷秩遂為真
清廟方悖禮容臺忝未塵卑卑論燕爵憲憲望麒麟
緬想閑居賦猶存弟子紳鄉誰尚友輿阜或稱臣
飛翰因來客分光肯照鄰人芻有束何物稼盈囷
矍圃初登射驪山適罷巡全遭別足澗靜得藏珎
接席連芳畫看老惜好春筌開窈窕理窟至馴馴
蓄思文俱銳脩名實與賓逝將熙孔業由此樂顏仁
淹泊思同社羈孤若異倫且休寧俟斥漸老最憂貧
夙願惟耕釣浮榮謝鼎茵行無聽漏觀涉即知津
狐首求吾正蝨斯詠尔詵杉榆應不改蘿蒿重相因
惜遠接青菊期歸睇綠蘋題詩緘恨去離緒極紛綸

開府大宗師張仁靖真人昇仙詞

聖曆延微朗玄筌闡化洪至仁惟有造妙道不無功
肇武伴黃石儲精自碧嵩器非群物圃夢與九門通
宣室承恩始甘泉載祀隆時方陳象舞治欲致橐籥
清淨言初入高明聽已聰寶慈深示世敦素實希風
四海臻寧壹三靈畢會同降祥宜簡簡合漢本恹恹
曉景來芝蓋宵光下竹宮畫幡飄婀娜權火暎腫臃
練日迎嘉應祈年獲屢豐鼎成藏魁魍劒動後靈霽
立在螭頭右行參豹尾中帔衣垂白羽徒御列青童
宸眷疏榮數仙班進秩穹鎮圭函縑藉篆五飾雕蟲
仰陟蜚廉觀聞呼太極公杯春鈇液瀉燭夜絳綃籠
圖像凌烟秘樓居複道崇月臨笙宛轉颺舉佩丁東

豈止南宗重還將北顧空八維閔地軸七澤納雲夢
鯨力森疑破淵襟澹若冲正聲諧杳眇顥氣徹昭融
汎覽乾坤大何知霧雨濛足誠因獻削耳孰為音韻
制勝生機活憑虛獨見充真源觀浩浩迷轍或忽忽
士類常推轂師資亟擊蒙內經標藥笈疊組付蘭蕙
固有登三事誰其詠五總雍容元老席懇惻大夫忠
客拜先加手朝回更鞠躬筵敷縫素純厨味屏葷葱
髮映眉毫碧丹浮輔頰紅金莖潄沆瀣珠斗戴崆峒
漏盡冰生稼窻明彩駕虹給扶殊未老宴坐忽長終
牆上排蛟翼翳前引鳳笛翩翩龍去遠望望鶴飛
遊戲陵三境徘徊過九峻捲簾瞻漢準端冕侍虞瞳
未議當疑命均釐及惠窮雖然形已蛻共想石堪磨

誅德婦詞掖歌詩詵廟工陰靈環顥顥陽木樹椅桐
殿角猶遺寫泉間莫錮銅層霄如貯蠶下土故龐鴻

大雪戲詠

霰集先驚密雲垂陡覺低穿惟纔巧入擁砌已深迷
蟾影宵翻鵲犀光畫駭雞投虛知井幕蒙險失巖梯
九地歲膏澤千門委壁圭黃輿增厚載玄武蟄幽栖
忽灑聲尤急中休氣轉淒辨方惟有服封谷不須泥
稍喜夷塗闢多憂陷穿擠世將還樸素壞盡徹青黎
固欲殊廉角於何畫町畦溟池涵上下灤岸渺東西
縞舉仙人袂窻明玉女閨混淪收日脚軒豁露坤倪
剪毳巾成氎吹交室覆緹妖氛隨蕩折闡茸謝榘提
勁竹猶遭挫踈梅恰吐齊若為散鱗甲無已戮鯨鯢

覘日消遲見豐年卜可稽漁歸襍襪兒戲象狡狴
正苦負衣綻邴禁凍面鰲曉嬰初撥醴午椀更吹薺
幾夢斟羔唱徒聞索飯啼掩關誰掃軌返掉却尋溪
踐迹嗔鴻爪全生媿馬蹄莫抽梁苑思爭効漢衿題
送何德芳參議登朝無志王許二公同升黃
閣之喜

道揆尊良弼忱恂屬議臣使星離左次卿月映中宸
巖石傾瞻久鋒車趣召新一陽迎日至回序首王春
出號乾綱正敷廷契命申廟堂深眷倚帷幄重咨詢
必使言多補猶為國有人凡材資及養全體務彌綸
締繡身惟服甄陶器在鈞土毛因地產財計繫立民
藪澤將無竭閭閻冀少伸同胞兼隱痛衆樂賴調均

弁采菊荒論弘推草木仁通班已文陞步趾即平津
際遇於斯盛休祥自我臻治功開六典淳曜仰三辰
臯禹寅初協勲華迹豈陳逢徵黃霸入碩念馬卿貧
象闕心徒戀漚波興與馴但期行葦賤不作道邊塵
今體詩六十韵贈餞心傳之官池陽述學言
懷見乎辭矣

昔有推鄉學今誰侮聖言尚辭淪曲藝執業謝專門
製錦何妨美更刀實太煩爰從王氏作重喜曾經存
集註初判定傳疑併討論七篇賢所訓一貫道攸根
翼傳茲猶準希蹤孰可捫仁巖頃頽剝建水泮滄法
或者傷麟止嘻其狀庖賁走雖名惡子君豈負諸孫
直想披吾奧毋徒聞彼藩律元求杪忽車用飾輪轉

堂陞尊卑分淵泉左右原緩行惟視履妙契必亨屯
固謂炊將熟終期溺是援蟾梯榮峻陟鵬路藹孤騫
正取能充拓何嘗志飽溫銀章凌霧雨朱紱賁丘園
負弩方前導乘車且載奔威行秋浦曲象動歲星垣
入署梅花曉開迤草色暄琴聲春寂寂簾影晝掀掀
建德當時國清溪若處村再畚宜黍稌庶植間蘭蓀
明府今為政窮閭自不究使民安蜡臘戎吏絕壺殮
可得防免免常湏笠放豚馬驚連軸折魚泚尺波渾
警靜山無盜年登社有膳雞窠對翁穉肉譜繫仍昆
推已心惟小趨風禮更繁加邁薦庭實歛板候戎軒
勿枉中懷璧寧甘右屬韃因游問花柳湏暇采蘋繁
客夢西堂句賓筵北海尊神應歆豈弟世豈混昭昏

穩躡飛鳧寫徐升畫鹿輻胸中五色線天上九重閣
補衮功誠著觀書眼未智葆光非匿景絕利不離源
有客愚溪柳其人太學蕃方時征彙吉自信括囊坤
化瑟遲當改樵枰看屢翻先機輕絳灌未患稔晁爰
此豈猶堪出予將夫勿諼采芳留晚節曝背媚朝暎
獨幸聯衣袂頻容漬酒痕親仁情正切惜遠思如燔
薄贈將吳紵佳占獻楚焯瞻雲渺江漢掬月在瓶盆
生色滋融盎清光与吐吞各持脩省事永尉別離魂
列辟無前績先師罔極息名山巖泰華大噐屬璵璠
法古承三統書年衣一元榮枯徵斷簡消息候微萱
避弋齊縹鳳懲羹忌染黿諛夫行似蛾君子化為猿
計熟非梯稗維豐俟芭蕉短篇墻及仞合望倚崑崙

送翰林書寫邵從聖赴臨淮尹

故人為縣去聽我說臨淮白水騰騰溢青山岸岸排
牛耕多種林魚糝亂編柴貴儉民常足知柔俗易懷
無庸輕保障尤欲念巔厓羨錦休傷製清琴莫近哇
心將千古契興與四時佳池影花當檻簾陰草滿堦
揮毫還有待退筆未湏埋禁鬻羅三館招挂下兩涯
煌煌良史榮寂寂太常齋豈必長安客東方獨好俳

絕句

五言

賦黃氏新安嶺南山居十詠

清江釣月

月魄秋在水景光依蓼蒲神魚不受釣騰滿生明珠

空谷耕雲

濕濕雲生黛曉晴山崦紅仙人來種玉二耜亦同功

茗峰卓筆

黔川數斛墨發地見龍崔恠來聞石語山立銳頭公

碧嶽開屏

松門繞數曲疊翠侶鈎連玉女有時下香爐開紫烟

松林巢鶴

林表浮丘宅蕭穆一蓋張髦毛見飄墮有客拾松黃

雪澗浮龜

巔巔太古雪參差洛書文罡風恐吹裂騎去入玄雲

峻嶺扶車

前驅破犖确見石不見車誰實挾兩轂吾行得舒徐

圓岡揭斗

坡陀九點炮象斗排雲端疑此精化石即是星宮官
雙溪合璧

古寺垂虹

洩竇泉始湧洄流凍未消熒熒玉氣合湛湛劍光搖
僧歸度橫竹笠影在清溪嗟彼善幻者嚙水投虹蜺

柳待制文集卷之四

